



gehorit, daz sal der stat czu vribere sin. Un was he  
lehen gutis hat, daz sal sinen herrin ledic sin, von  
dem he iz hat, des selbin gutis mugin die geswor-  
nin burgere des totin adir des wundin mannis kindin  
adir sinen wibe gebin, wi vil si wollin, daz stet an  
in. Wer ouch einen geswornin burger anvertiget  
Also, daz he in fines libes enigin wil unde slet der  
gesworne burger adir sine helfer den anvertiger adir  
des anvertigeris helffer czu tode, unde nimit daz  
derselbe gesworne uffs sinen eit daz in derselbe anver-  
tiger wi he in nennit, adir des anvertigers helffer di  
he benennit, fines libes erlosin wolden. Derselbe  
gesworne unde sine helfere, die he sprichit dar sine  
helfere sin sullen umme den totslac, noch umme di  
wundin nimande kein antworte gebin. Ist ouch, daz  
sich ein gesworn burger werit, unde sine helfere kegin  
den die in anvertigen, unde werdin di wunt, di in  
anvertigin, die derselbe gesworne benennit. Daz sal  
si nicht helfin si sullen da czu bime halse die stat unde  
ir lant rumen also lange, biz si die geswornin burgere  
mit des willen, den si geanvertiget hattin widir in  
die stat ladin. Wer ouch wizzentliche eine geswornin  
burgere brengit der vorvestin einen lebinde adir todt  
adir in totit, adir gewundit hat, deme sal man von der  
stat drizic marc gebin.

Dirre brif ist gegeben nach gotis geburt Tassin  
drubundirt iar, da nach in deme vunftin iare. An  
sente Johannis tage baptisten.